

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

19 մարտի 2013թ.

N ---Ա

ՈՐՈՇՈՒՄ

**«ԵՐԵՎԱՆԻ Հ. 44 ՀԻՄՆԱԿԱՆ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ**

Հիմք ընդունելով «Երևան քաղաքում տեղական ինքնակառավարման մասին»
Հայաստանի Հանրապետության օրենքի 12-րդ հոդվածի 1-ին մասի 23-րդ կետը՝

Երևան քաղաքի ավագանին որոշում է.

Երևան քաղաքի Քանաքեռ-Զեյթուն վարչական շրջանի հ.44 հիմնական դպրոցն
անվանակոչել նշանավոր պոլսահայ լրագրող, հրապարակախոս Հրանտ Դինքի
անվամբ:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱԿՈՐՈՒՄ

ԵՐԵՎԱՆ ՔԱՂԱՔԻ ԱՎԱԳԱՆՈՒ «ԵՐԵՎԱՆԻ Հ. 44 ՀԻՄՆԱԿԱՆ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ» ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ՎԵՐԱԲԵՐՑԱԼ

Համաձայն «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 23-րդ կետի՝ Երևան քաղաքի ավագանին որոշում է ընդունում Երևանի փողոցների, պողոտաների, հրապարակների, զբոսայգիների, **Երևանի ենթակայության կրթական**, մշակութային և այլ կազմակերպությունների անվանումների վերաբերյալ, ուստի առաջարկվում է «Երևանի հ.44 հիմնական դպրոց» պետական ոչ առևտրային կազմակերպությունն անվանակոչել հայտնի հայ լրագրող, մտավորական, Թուրքիայում հրատարակվող միակ երկլեզու «Ակոս» շաբաթաթերթի գլխավոր խմբագիր, Թուրքիայի հայ համայնքի ակնավոր ներկայացուցիչ Հրանտ Դինքի անվամբ:

Կիլիկիայի Զեյթուն գյուղաքաղաքի անվամբ կոչված Զեյթուն բնակատեղիում ՀՀ Կառավարության որոշմամբ 1946թ. սեպտեմբերին Կիրգա կոչվող լեռնալանջին հիմնվում է հ.44 դպրոցը: Հայրենադարձ երեխաների համար կառուցված դպրոցը սկզբում եղել է շատ համեստ շինություն՝ կից կառուցված ուսուցչական տներով: Աշակերտական սակավ համալրման պատճառով հ.44 դպրոցը սկզբում եղել է 8-ամյա, և միայն տարիներ անց վերակազմավորվել է միջնակարգի: 1948-1949 ուստարում սկսվում է դպրոցի նոր ուսումնական շենքի կառուցումը՝ նաև դպրոցականների մասնակցությամբ: 1950-1951 ուստարում դպրոցի նորակառույց շենքն իր դռներն է բացում դպրոցականների առջև: 1971 թվականի դպրոցը տեղափոխվում է նոր շենք և մինչ օրս գործում է Մ.Ավետիսյան 89 հասցեում:

Ներկայումս դպրոցում սովորում է 592 աշակերտ:

Երևանի հ.44 հիմնական դպրոցն անվանակոչելու վերաբերյալ առաջարկություն է ներկայացվել դպրոցի մանկավարժական կոլեկտիվի կողմից, հարցի վերաբերյալ աշխատակազմի հանրակրթության վարչության կողմից ներկայացվել է դրական կարծիք:

Հաշվի առնելով վերոգրյալը Երևանի ավագանու քննարկմանն է ներկայացվում ««Երևանի հ.44 հիմնական դպրոց պետական ոչ առևտրային կազմակերպությունն անվանակոչելու մասին» Երևանի ավագանու որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆԻ Հ. 44 ՀԻՄՆԱԿԱՆ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ
ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Երևան քաղաքի ավագանու ««Երևան քաղաքի հ.44 հիմնական դպրոց» պետական ոչ առևտրային կազմակերպությունն անվանակոչելու մասին» Երևանի ավագանու որոշման նախագծի ընդունման կապակցությամբ այլ իրավական ակտերում լրացումներ եվ/կամ/ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆԻ Հ. 44 ՀԻՄՆԱԿԱՆ ԴՊՐՈՑ» ՊԵՏԱԿԱՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅՈՒՆՆ ԱՆՎԱՆԱԿՈՉԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ
ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

««Երևան քաղաքի հ.44 հիմնական դպրոց» պետական ոչ առևտրային կազմակերպությունն անվանակոչելու մասին» Երևանի ավագանու որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ